
■ PRO RAETIA: DIETA CHAMPESTRA 2015

Parcs natirals – schanzas e privels

(anr) La Pro Raetia salva onn per onn sia dieta champestra en noss chantun. 2015 ha quella lieu il davos da settember a Spleia e s'occupa cun dumondas en connex cun ils parcs naziunals – ils existents ed ils projectads. Quels confruntan il chantun tant cun schanzas sco privels. La motivaziun da stgaffir in parc naziunal è zunt differenta. D'ina vart spetgan ins in svilup economic e da l'au-tra da far ordlonder in lieu per pudair sa retrair. Ins vul mussar als lieus sursviluppads en Svizra sco igl era ina giada e tge che duess vegnir mantegnì. L'opposiziun cunter engrondir in parc vul era mussar ch'ins è per mantegnair l'indipendenza locala e persunala.

La dieta champestra a Spleia vul infurmar e sensibilisar per dumondas colliadas e crear ina basa per furmar in maini en tge direzziun ch'i pudessia ir. Mintga cas na vulan ins far nagina propaganda per u cunter crear u schlargiar parts. I va be per

l'idea co sviluppar il territori da muntogna.

Referents e podi

Ils referats introductivs tar la la dieta salvan: cussegliera fed. *Eveline Widmer-Schlumpf* ed *Otto Sieber*, stà ditg secretari central da la Pro Natura. Al podi vegn referì davart ils divers parcs (Parc naziunal, Adula ed Ela). Era represchentants da las vischnancas pertutgadas vegnan al pled.

Co vinavant cun la Pro Raetia?

Quella dumonda è vegnida discutada a chaschun da la radunanza da commembers da quest onn a Son Gagl. Sa dà da la discussiun è ch'ins sa bler memia pauc da la Pro Raetia. Be in inscunter, sco la dieta champestra annuala, è memia pauc per la far enconuschenta. I basegna ina homepage interactiva sin natel e tablet. Quai duai era succeder. Aschia speran ins da pudair far pli vesavla la Pro Raetia.